

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ  
ՉԵՐԻԱԿԱՎԱԾ ԱՆՁԱՆՑ ՊԱՇԵԼՈՒ ՎԱՅՐԵՐՈՒՄ ՎԵՐԱՀՍԿՈՂՈՒԹՅՈՒՆ  
ԻՐԱԿԱՆԱՑՆՈՂ ՀԱՍԱՐԿԱԿԱՆ ԴԻՏՈՂԴԱԿԱՆ ԽՈՒՄԲ

№ 2621/1705

16.05.2017թվ.

ՀՀ ոստիկանության պետ,  
Վեներալ-գնդապետ  
պարոն՝ Վ. Գասպարյանին՝

Վերադառնալի պարոն Գասպարյան,

Սույն թվականի մայիսի 11-ին Դիտորդական խումբը հերթական այցելություն կատարելով ՀՀ ոստիկանության Արմավիրի ՄՎ Արմավիրի ՁՊՎ արձանագրեց մի շարք խախտումներ և թերություններ:

Թերություններ՝

1. ՁՊՎ-ի խցերը գտնվում էին փոշոտ վիճակում:
2. Չուգարանում չէր գործում օդափոխման համակարգը և տեւաճ հոտը տարածվել էր ամբողջ ՁՎ-ում:
3. Բուժօժենյակի դեղարկում առկա էր ժամկետանց յոդ, որի ժամկետը լրացել էր 2015թ-ի հուլիս ամսին: Ավելին՝ ունեին ժամկետի մեջ գտնվող յոդ, բայց չէին փոխել:

Խախտումներ՝

1. Արմավիրի ՄՎ Վաղարշապատի ՁՊՎ-ի վերանորոգման ընթացքում Արմավիրի ՁՊՎ-ն է ընդունել տվյալ բաժնի ձեռքակալվածներին և «ՁՊՎ-ում պահվող անձանց հաշվառման» գրանցամատյանում ձեռքակալվածներին ընդունելուց միայն նշվել է նրանց ՁՊՎ ընդունելու ժամերը և ոչ մի կերպ հնարավորություն չկար պարզելու թե անձիք երբևից են փաստացի անազատության մեջ գտնվել:
2. Ըստ «ՁՊՎ-ում պահվող անձանց հաշվառման» գրանցամատյանի Ա.Մ-ն ՀՀ ԱՆ «Արմավիր» ՔԿ հիմնարկ է տեղափոխվել 21.03.2017թ-ին ժամը 12.00-ին: Ըստ

ՀՀք. Երևան 0033, Բաղրամյան 79/45

[www.policemonitoring.org](http://www.policemonitoring.org)

Հեռ./Ֆաքս: (+374 10) 52 81 87

E-mail: [info@policemonitoring.org](mailto:info@policemonitoring.org)

3294  
17 05 17

2388  
17 05 17

<<Ձերբակալված անձանց խցերից դուրս բերելու>> գրանցամատյանի՝ խցից դուրս է բերվել և հետ չի վերադարձվել նույն օրը՝ ժամը 10.10-ից:

Դիտորդների հարցին թե <<ՁՊՎ-ում պահվող անձանց հաշվառման>> գրանցամատյանում նշված ժամը 12.00-ն ինչ հիմքով է նշվել և որտեղից է վերցվել նրան ՔԿ հիմնարկ տեղափոխելու գրառման նպատակը, պատասխանատու ոստիկանը մեկնաբանեց, որ ուղեկցող դասակի ոստիկանները հեռախոսակապի միջոցով են տեղեկացրել նրա տեղափոխման մասին: Ըստ Դիտորդական խմբի՝ չենք կարծում, որ հեռախոսակապի միջոցով տրված ինֆորմացիան հիմք է հանդիսանում <<ՁՊՎ-ում պահվող անձանց հաշվառման >> գրանցամատյանում նմանատիպ գրառման համար:

Այսպիսով՝ խնդրում ենք ուսումնասիրել ներկայացված փաստերը և տալ մեկնաբանություն:

Հարգանքով՝

ՀՀ ոստիկանության համակարգի ձերբակալված անձանց պահելու վայրերում վերահսկողությունն իրականացնող հասարակական Դիտորդական խմբի նախագահ՝



Ս.Բսկանդարյան



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

0025 ք.Երևան, Նալբանդյան 130, Հեռ.՝ (010) 59-65-94, Ֆաքս՝ (010) 59-63-11, էլ.փոստ staff@police.am

№ 2/2-1-2116

«20» 06 2017թ.

Ձեր 16.05.2017թ. թիվ 2621/1705 գր.

**«Հոստիկանության համակարգի ձերբակալվածներին պահելու վայրերում վերահսկողություն իրականացնող հասարակական դիտորդների խմբի նախագահ Ս. Իսկանդարյանին**

## **Հարգելի պարոն Իսկանդարյան**

Դիտորդների խմբի կողմից 2017թ. մայիսի 11-ին ՀՀ ոստիկանության Արմավիրի մարզային վարչության Արմավիրի բաժնի ձերբակալվածներին պահելու վայր կատարած այցելության ընթացքում արձանագրված հանգամանքներն ուսումնասիրվել են ՀՀ ոստիկանության շտաբում, իսկ Արմավիրի մարզային վարչությունում կատարվել է ծառայողական քննություն, որի արդյունքներով պարզվել է հետևյալը.

### **Թերություններ.**

Նշված բոլոր թերություններն արդեն իսկ վերացվել են:

### **Խախտումներ.**

1. ՀՀ ոստիկանության Արմավիրի մարզային վարչության Վաղարշապատի բաժնի ՁՊՎ-ի վերանորոգման ընթացքում ՀՀ ՔԿ Վաղարշապատի քննչական բաժնի կողմից ձերբակալված անձանց ոստիկանության Արմավիրի բաժնի ՁՊՎ ընդունելու վերաբերյալ «ՁՊՎ-ում պահվող անձանց հաշվառման» գրանցամատյանի 7-րդ սունյակում նշվել է ձերբակալման ամսաթիվը և ժամանակը, այլ ոչ թե ՁՊՎ ընդունելու ժամանակը:

2. Ա.Մ-ն ՀՀ ՔԿ Վաղարշապատի քննչական բաժնի կողմից 18.03.2017թ. ժամը 12:40-ին ձերբակալվել և նույն օրը ընդունվել է ոստիկանության Արմավիրի բաժնի ՁՊՎ: Խափանման միջոցի հարցը քննության առնելու նպատակով 21.03.2017թ. ժամը 10:10-ին վերջինս ոստիկանության Արմավիրի բաժնի ՁՊՎ-ից տեղափոխվել է դատարան, ինչի մասին «ձերբակալված անձանց խցերից դուրս բերելու» գրանցամատյանում

կատարվել է համապատասխան գրառում, իսկ կալանավորումը որպես խափանման միջոց ընտրվելուց հետո՝ ժամը 12:00-ին, վերջինս դատարանից տեխափոխվել է ՀՀ ԱՆ «Արմավիր» ՔԿՀ: Ինչ վերաբերվում է արդեն իսկ կալանավորված անձին ՔԿՀ տեղափոխելու ժամի վերաբերյալ հեռախոսակապի միջոցով ուղեկցող դասակի ծառայողներից տեղեկություններ ստանալուն և «ԶՊՎ-ում պահվող անձանց հաշվառման» գրանցամատյանում համապատասխան գրառում կատարելուն, ապա այն օրինաչափ է, քանի որ անձի նկատմամբ կալանավորումը որպես խափանման միջոց ընտրելու և դատարանից ՔԿՀ տեղափոխելու վերաբերյալ վարույթն իրականացնող մարմնի կողմից որևէ փաստաթուղթ ԶՊՎ վարչակազմին չի տրամադրվում:

**ՀՀ ոստիկանության շտաբի ՀԾՎ**